

若捨惡業降出投王王許得度出家不得度  
患鞭杖瘡人若瘡差得度若犯罪人以鐵烙  
爲字不得度出家若治護得差得出家負債  
者若自負債若祖負債若父負債若兒負債  
若債由已不得出家有人爲償債得出家奴  
者有四種奴一者家生二者買得三者破得

四者自成奴自成奴者爲衣食故自求爲奴  
是名自成奴若奴主放奴出家語諸比丘言  
若奴有道心者放若無道心還復爲奴若如  
是語者不得度出家時有一居士家有疫病  
起初殺蠅蜈蚣百足次殺雞猪次殺牛羊次  
及婢奴後及好人此疫病起時不得從戶中  
出應破壁出直去不得反顧若反顧即死若  
不即死至他方亦死時父子三人破壁得出  
直去不反顧是故得活既至他方貧窮不能  
自立往至比丘所求欲出家比丘即度爲出  
家得出家已將二兒乞食

二十二末

方

善見毗婆沙律卷第十六

叔六

叛音鑰戶藥上音嘔吐口上烏反而曝下蕭反騫馱上去  
軋反下鈎細上餅麩下尺反賈客古上音  
糝米祭上音釜畫上音攪反古咽食上見低佞同進必孟篙舡高上音攪反古咽喉還咽上音低佞同進必孟  
齧反魚結熊肉雄上音矜矜音碟擦二竹客反股古音捺

與上郎吊反腹羅此云短初漢唾上音替缺  
兇下音盆菰正作乳糜碑下密反儉具上助卷繫下音  
際攔反初近瘤病留上音疝于休反棘刺下士賜反

善見毗婆沙律卷第十七

叔七

蕭齊外國沙門僧伽跋陀羅譯

尔時佛從摩竭國往迦維羅國者法師曰我  
今次第說根本因緣尔時輸頭檀那大王心  
自念言我子初出家日自唱言我若成佛當  
還此國王憶此語心自念言我子成佛已來

王恒側耳聽聞子苦行竟往菩提樹下得道已往波羅奈國轉四諦法輪度阿若憍陳如等五人出家今往摩竭國我今年老及今生存宜見我子作是念已即喚一臣語言我聞人言我子以成佛今往摩竭國汝可將千人往迎汝至彼語我子言我今年老欲得相見臣受王語已即將千人前後圍繞往摩竭國到已往至佛所頭面禮足却坐一面是時世尊觀千人心已却即為說法時千人得聞法已即得羅漢佛喚善來比丘即得具足戒此千比丘得羅漢已入果三昧受解脫樂即於此住不復欲還王遣信已遲望不還又無消息王復遣臣往如是次第遣八臣往一臣各將千人至世尊所皆悉出家得羅漢果無有一人還報王者王自念言我遣八臣去無有一人還報我者王自籌量我今更遣誰去耶時有一臣名曰迦留陀夷與菩薩同日生王即遣迦留陀夷往迎佛如前遣八臣語無異

迦留陀夷先與王要若王許我出家者我當往迎王荅言善迦留陀夷受王語已復將千人在彼佛為說法即得羅漢佛喚善來比丘得具足戒時迦留陀夷見禾稻結秀草木水陸華出敷榮時節和適以六十偈讚歎道路佛知而故問迦留陀夷汝為何事而讚歎道路迦留陀夷荅世尊言輸頭檀那大王遣我來者欲有所白佛言聽汝所說白世尊言父王言我今年老及今生存欲見如來故遣我來奉迎世尊惟願哀愍大王故時可去矣佛語迦留陀夷汝可宣令語諸比丘佛欲遊行各自撩理莊嚴隨佛遊行是時央伽摩竭國有十千比丘從迦維羅衛國來迎佛者有十千比丘都合二萬比丘皆得阿羅漢從摩竭國前後圍繞隨佛出城摩竭國去舍衛國六十由旬世尊漸漸遊行經六十日至舍衛國時佛世尊日日朝中恒食父王供所以得食父王供者時迦留陀夷時到著衣持鉢飛騰

虛空往至舍衛國白父王言世尊以至某處時父王爲迦留陀夷設食以盛滿鉢飯授與迦留陀夷願大德可以此鉢飯奉上世尊如是日日恒爲世尊迎食迦留陀夷食父王食已向父王及諸釋子讚歎如來功德諸釋子聞讚歎如來功德倍增信心諸釋子即聚集自共籌量世尊不樂憤鬧我等當爲世尊求覓靜處造立精舍時彌瞿陀釋子有一園不近不遠可立精舍時諸釋子人人各各共出財物爲佛起立精舍精舍成已父王將諸釋子人人各賈持香華奉迎世尊到已父王及釋子中有大佛者不爲佛作禮若有小佛者爲作禮亦時世尊見父王及諸釋子中有不爲佛作禮者佛知諸釋子意即上昇虛空作十八變如降伏外道作神力無異王及諸釋子見佛神力如此自然爲佛作禮輸頭檀那王禮已白佛言我今第三禮如來足何謂第三禮如來足一者佛初生時阿夷相曰若在

家者應作轉輪聖王若出家學道必得成佛是時地爲振動我見神力如是即爲作禮第二者我出遊戲耕田菩薩在閻浮樹下日時已晡樹影停住不移覆菩薩身我見神力如是即爲作禮今者見佛神力如是是名第三禮如來足輸頭檀那王禮如來足時一切諸

叔七

三

釋子皆隨作禮無有一人立住者世尊從虛空下坐師子座王及諸釋一時俱坐時衆中定天降雨其色紅赤以淹塵土時衆意樂濕便濕若不樂濕雨雖著而不濕時衆見兩神力如是倍增歡喜亦時世尊爲諸時衆說法王及諸釋子得聞法已有得須陀洹者斯陀含者各起禮佛繞三匝而去王及諸釋無有一人請佛中者明日時到佛及二萬比丘著衣持鉢前後圍繞次第而去入迦維羅衛國到城門已世尊心自念過去諸佛入眷屬村云何乞食應次第乞爲選擇也即觀過去諸佛皆次第乞食無有選擇又爲未來聲聞弟

子依我法故應次第乞食時城中諸釋婦女  
 聞佛將徒眾入城乞食各開窻戶看如來乞  
 食時羅睺羅母在樓殿上聞佛入城乞食心  
 自念言本在家時著天冠瓔珞乘七寶輦與  
 千乘萬騎前後圍繞出入今者剃除鬚髮著  
 袈裟持鉢乞食我今觀看為好以不作是念  
 已即開窻看遙見如來放五色光其光照地  
 猶若融金耶輸陀羅見已即入白王言王兒  
 今者入城乞食王聞已即忽忽而出往至佛  
 所白言大德乞食令我等羞大德徒眾我能  
 俱給用乞何為佛答言我種如是王復白佛  
 我利利種無有乞食何以言我種如是佛答  
 言過去諸佛是我種非今利利種也佛即為  
 大王而說偈言  
 起已不懈怠 善法恒自行 行法得安眠  
 今世若後世  
 王聞說已即得須陀洹道  
 尔時世尊復為大王而說偈言

行法則善行 不行於惡法 行法得安眠  
 今世若後世  
 王聞第二偈已復得斯陀含道復為王說曇  
 摩波羅本生經王聞已得阿那含道王臨命  
 終佛為說法於白傘下得羅漢果即入涅槃  
 時大王從如來請鉢請佛及僧王自導前俱  
 共上殿王即施設種種齋饌佛食已竟宮中  
 姝女聞佛食竟語羅睺羅母言我等今者應  
 往禮拜問訊世尊羅睺羅母語諸姝女佛若  
 慈愍我者自來看我不能去也諸姝女等各  
 賣香華往禮拜世尊諸姝女去後羅睺羅母  
 心自念言若佛來者我當頭面禮足佛食已  
 授鉢與王佛將二神足羅漢弟子往至羅睺  
 羅母所勅弟子言若羅睺羅母禮拜供養當  
 隨其意莫作障礙答言善哉世尊是時世尊  
 即入羅睺羅母房敷座而坐羅睺羅母見佛  
 坐已疾以手捧世尊足以頭摩而作禮王見  
 羅睺羅母禮佛已王白佛言世尊羅睺羅母

於世尊極生尊重心佛答王言羅睺羅母於我生尊重非適今也王問佛於何時生尊重世尊即爲說緊那羅本生經即以五法欲拜王子難陀爲王何者五法一者被髮二者結衣三者莊嚴殿四者取婦五者豎傘是名五法佛以鉢投與難陀難陀意不樂去爲尊

重佛故俛仰隨去隨佛至寺已意不樂出家如來觀其宿緣應得羅漢是故強令出家如來至迦維羅衛國二日已方度難陀七日已度羅睺羅法師問曰云何得度羅睺羅答曰如來入城乞食羅睺羅母將羅睺羅在樓閣上羅睺羅母於窻牖遙見如來語羅睺羅言

叔七

五

此是汝父即以瓔珞與羅睺羅著語言往汝父所乞珍寶汝父在家時大有寶藏今不知所在汝可往乞白爹爹言我欲豎傘作轉輪王爹爹可賜我珍寶羅睺羅受母語已往至佛所入佛影中白佛沙門影極清涼樂佛食已訖還本處羅睺羅即隨佛後從佛乞珍寶

佛不應答如是漸漸隨逐至寺佛敷座坐已語羅睺羅言我於菩提樹下得此珍寶此財寶於一切寶中最勝第一汝欲樂得不羅睺羅答世尊言甚樂沙門佛即喚舍利弗舍利弗來已佛語舍利弗言汝可度羅睺羅出家舍利弗答言善哉世尊舍利弗即度羅睺羅

出家輸頭檀那王聞羅睺羅出家心大懊惱即便忽忽往至佛所白佛言若有出家者應先白父母聽者可度出家若父母不聽願世尊莫度是故律本中說父母不聽不得出家若父母聽出家出家已還俗若後更欲出家應白父母父母不聽不得出家若有人求欲出家比丘問言汝父母聽出家不答言不聽若不聽者不得出家語比丘言若不度我者我當焚燒寺舍若有如是難事度出家不犯若有餘方餘國度出家不須問父母羅睺羅出家因緣竟沙彌有十惡應滅擯何者爲十殺盜婬欺飲酒毀佛法僧邪見壞比丘尼是

名十惡法惟壞比丘尼淨行永擯不得出家  
餘九戒若能改悔不更作得出家此十三難  
人爲人作師受具足戒亦不得戒教授師若  
自羯磨若他羯磨出家有三種偷一者偷形  
二者偷和合三者亦偷形亦偷和合云何偷  
形無師自出家不依比丘臘不依次第受禮  
不入僧法事一切利養不受是名偷形云何  
偷和合有師出家受十戒未受具足戒往他  
方或言十臘或言二十臘次第受人禮入僧  
布薩及一切羯磨依次第受人信施是名偷  
和合云何亦偷形亦偷和合無師自出家依  
次第受臘入一切羯磨受人信施禮拜是名  
叔七  
偷形亦偷和合偷形者不經法事不受信施  
不受禮拜若欲更出家受具足戒得若有避  
難出家飢儉出家不入一切法事過難過飢  
儉已若欲出家受具足戒得若比丘實一臘  
妄言二臘依二臘次受利養計錢犯重若比  
丘水中脫衣洗浴自言裸形好若欲往外道

處步步突吉羅罪中路悔還懺悔突吉羅罪  
得住若往外道處聞外道說法不入其意悔  
還懺悔突吉羅罪得住若入外道聞說法心  
便好樂受外道法下至拔一髮患痛悔還應  
滅擯不得更出家度外道竟不得度龍者何  
以故龍不得禪定道果故龍有五事不得離  
龍身何者五一者行姪時若與龍共行姪得  
復龍身若與人共行姪不得復龍身二者受  
生不離龍身三者脫皮時四者眠五者死時  
是爲五事不得離龍身迦樓羅乃至釋提桓  
因不得出家不得與具足戒龍品竟不得度  
殺父母人殺父母於出家法如來不聽若殺  
畜生父母得出家實是父作非父想殺亦不  
得出家不得度殺羅漢人若有白衣得羅漢  
若殺不得出家若殺下三果人不障出家若  
畜生殺羅漢不犯業障重不得度人壞比丘  
尼者於三處行姪皆名壞比丘尼若摩觸比  
丘尼不障出家若以白衣服強與比丘尼著  
叔七  
七

就行姪亦名壞比丘尼不得出家若比丘尼樂著白衣服就行姪者不障出家若初壞者不得出家第二壞者不障若壞式又摩尼沙弥尼不障出家破僧人不得度出家云何破僧若執十八事三諫不捨二根有三種一者自受胎能令他受胎二者自受胎不能令他受胎三者不能自受胎能令他受胎此三種人悉不得出家受具足戒若已受具足戒應滅擯若無和尚不得與受具足戒若與受具足戒得突吉羅罪是人得戒若黃門作和尚爲人受戒得戒師僧得罪無衣鉢受具足戒得戒師僧得罪得二三人一時受具足戒一同等臘等時不得相禮同一和尚三羯磨師一時爲三人受具足戒一時得戒臘同無大小和尚者外國語漢言知罪知無罪是名和尚受戒已應步影步影者正立住取任脚爲初隨身影長短步影步影竟教其時其時者或冬時或春時或夏時竟教日月日時

次教受戒時衆數多少次與四依已次說四重受戒已令新受戒者在前面出受戒捷度竟尔時佛住羅閱城王舍城摩竭國此三義一名異漢言王舍城羅閱城是外國音羅者言王閱者言舍故言羅閱城也摩竭者此是外國音也摩竭者是初國名耳界相者若山界相大者如須弥山小者如象大是爲山相石界相者大者如牛小者三十稱若漫石不得作界相應別安石作界相林界相者若草林若竹林不得作界相何故尔草竹體空不堅實是以不得作界相林相者大林乃至百由旬小林者下至四樹連接亦名爲林樹界相者不得以枯樹爲相大樹者闍浮樹大小者高八寸形如鉢大得作界相若無自生樹種樹亦得作界相路界者入田路向井取水路向河取水路窮路皆不得作界相大路或車步路路短者乃至經三四村皆得作界相蟻封界相者大如山小者高八寸皆得作界相

板七

八

江界相者若好王治化五日一雨此兩江水不得作界相若四月日不雨尚流不斷水深二尺得作界相水界相者若自然池水得作界相若通水入田或塍盛水悉不得作界相此是八種界相結界相有五種一方二圓三鼓形四者半月形五者三角若依相結界已後若失相界亦不失若人掘地乃至水際皆不失界相若結小界不得說欲結布薩界得說欲結界場極小容二十一人作界場已後起屋覆界不失若結小界已於中起三層樓從地至最上層同一界若有石山上廣下小於上結界若有比丘在下不妨若結界已水盪成坑有水流知其處所豎柱為閣於上作法事得若結界已水穿地為孔不壞界相神通比丘在窟裏空中住或在地下不得別作法事若界場上有大樹枝葉出界外若作法事時比丘不得在樹上妨作法事應喚下若神通比丘在路地虛空住不妨作法事若衣

角柱地妨應喚下結布薩界極廣得三由旬不得過若過不成界得罪除村村外界者中人擲石以還若比丘結界已於比丘尼非界比丘尼界上得更結界比丘尼界亦不失比丘尼於比丘界上亦得結比丘界亦不失阿蘭若界者極小方圓七槃陀羅一槃陀羅二九十八肘若不同意者二十八肘外得作法事一切江河水不得結界水中自然界者若擲水若擲沙已外若有比丘不妨取水常流處深淺皆得作自然界潮水不得若在船上布薩應下碇若下樁不得繫著岸若崩岸有大樹根在水中不得繫著樹根若擲水內有樹根應斫去若不斫去與陸地界相連若水中大石或樹或浮木悉是水界所攝第一句非法別眾者云何非法別眾同一住處有四比丘一人受欲三人說波羅提木又或三人一人受欲二人說波羅提木又是名非法亦名別眾是名非法別眾第二句非法和合眾者

同一住處有四比丘四人應廣說波羅提木  
又不廣說作三人法人人對手說是名非法  
和合衆第三句云何法別衆同一住處有四  
比丘或三人一人受欲三人對手說或三人  
一人受欲二人對手說是名法別衆第四句  
者同一住處有四比丘和合說波羅提木又

或三比丘和合三語說是名法和合衆十六  
日布薩者此是和合布薩胡本律五月十六  
日爲前安居六月十六日後安居若安居中  
有因緣移去無罪不成安居不得在露地不  
得繳下安居脚下生毛者其毛紺色猶如空  
青因業所報故得如是問曰何業所報答曰

過去世時此守籠那與八萬人俱於八萬人  
中最爲長大共諸長者子爲辟支佛起一草  
屋請辟支佛三月夏坐時守籠那以一羊毛  
欽婆羅敷草屋前與辟支佛恒用拭脚以此  
果報脚下生毛此八萬長者子共供養辟支  
佛故今生復爲親友守籠那往至王所何以

與八萬人俱王若獨喚守籠那者畏其驚怖  
是以勅諸長者子八萬人俱往至王所五象  
王者一父象有六母象名爲象王如有五  
象王迦那富羅革屣者此是鞮跟革屣鹿角  
革屣者刻皮作鹿角形阿羅梨革屣者以象  
毛安革屣邊富羅跋陀羅革屣者以木綿及

叔七

十

諸雜物與皮合縫使中央起真誓梨革屣者  
以辯草作辯邊革屣者以孔雀尾辯邊多帶  
革屣無解似孔雀毛革屣者其形似孔雀毛  
時王舍城有一童女字婆羅跋提端正無比  
時瓶沙王舉爲姪女王出百千金錢諸臣長  
者出二百千錢共裝束此姪女爲作屋宅衣  
服車乘園林浴池種種伎樂耆婆者外國音  
漢言活童子何以名之活童子時無畏王子  
晨朝乘車欲往見王路見小兒問傍人言此  
兒爲死爲活傍人答言活是故言活童子問  
曰其母生已何以擲置路上答曰此姪女法  
若生女教習爲姪女種若生男則擲棄是故

生棄路上王子無畏抱取養育漸漸長大即立爲兒問曰耆婆童子何不學餘伎術荅曰往昔有佛名曰蓮華時有一醫師恒供養蓮華如來耆婆見已心自念言云何我未來世得如此醫供養如來作是念已即於七日中供養如來往至佛所頭面禮足白世尊言願

板七

十一

我未來世作大醫師供養如來如今耆婆醫師供養如來無異作是願已禮佛而退耆婆命終即生天上天上福盡下生人間如是展轉乃至釋迦出世宿願所牽不學餘伎但學醫方問曰耆婆所以善學醫道者耆婆就師學時天帝釋觀見此人醫道若成必當供養如

來是故帝釋化入耆婆師身中以教耆婆於七月中得師法盡過七月已帝釋所教如是滿七年醫道成就耆婆還國何以中路治病其師心自念言此是王子不乏財寶若還至本國不識我恩作念已即與耆婆弊故之衣不與糧食耆婆辭師還去於其中路爲飢渴故過一聚落借問村人誰家有病村人荅言某長者家有病即爲治之大獲珍寶耆婆自念我治一人病得如是珍寶若治多人病者當獲無量珍寶我今所獲皆由師恩受施有十五處一者戒場二者境界界三者同布薩界四者不失衣界五者羅婆界六者聚落界七者村界八者國土界九者阿槃陀羅界十者擲水界十一者鄉居界十二者羅那界十三者阿羅闍界十四者洲界十五者鐵圍山境界此是十五界汝今當知戒場界者前已說境界界者或在講堂或在食堂分衣健人一擲石已還隨界大小皆有擲石界比丘入皆得分是名境界界布薩界者若入布薩界者皆應得分是名布薩界不失衣界者入不失衣界內皆應得分是名不失衣界羅婆界者若王或大目爲比丘作住止者或十由旬若豎柱若作標相齊此標內若有布施皆屬我等是名羅婆界聚落界者有市故名聚落

界村界者無市名為村界國土界者有城邑名為國土界阿槃陀羅界者是阿蘭若處界也擲水界者是船界鄉居界者隨城東西名鄉居界羅那界者是國土界也阿羅闍界者一王所領是名阿羅闍界洲界者海中一洲是名洲界鐵圍界者是一鐵圍山界若人言布施界場眾僧屬界場眾僧布薩界不得若人言布施境界者及擲石界得若人言布施布薩界者同利養界亦得若人言布施不失衣界布薩界利養界俱得惟除布薩界中有聚落界不得若人言布施聚落界者聚落界中有布薩界大小皆得若人言布施村界者

教七

十二

布施阿羅闍界者一王所領一國土眾僧皆得若人言布施師子洲閻浮利地洲布施二洲眾僧隨有眾僧多少應中半分若閻浮利地五人師子洲百千人亦應中半分若人言布施界內眾僧比丘應問界有種種施何物界答言不知但言施界內眾僧隨界內眾僧多少皆得別住處同利養隨住處得物應共分僧得施者若人言布施僧鳴磬集眾來及者得若檀越擔一衣施僧與一比丘比丘受已言我應受此惡受云何善受應受已鳴磬某僧集僧已以黃物畫作分數不得破從上坐示此分是上座分上座取不上座答言此分我不取布施長老如是第二第三上座皆言不取布施長老乃至下座亦如是此比丘得取是名善受若住處有一比丘檀越將衣布施一比丘此比丘應鳴磬集僧若有比丘來共分若無比丘來得心念口言獨受若檀越布施僧受糞掃衣比丘不得受若人入住

教七

十三

處布施僧鳴磬集眾外比丘來相連臂入乃至百由旬前者入界內最後者亦得分何以故以相連不斷是故得分若人布施二部僧隨人多少應中半分若有百比丘尼有一比丘亦應中半分若有百比丘有一比丘尼亦應得半若人施僧鉢囊革屣囊漉水囊杖扇受糞掃衣比丘得受若檀越擔物布施一人復言施僧依僧次取一分不得別取若人施佛施比丘比丘尼云何分破作二分一分與佛一分與比丘比丘尼共等分若人施眾多比丘施法師一人施佛云何分佛一比丘眾多比丘平等分若人將飲食施佛及僧以鉢置佛前次第行佛飯誰得食若有侍佛比丘得食若無侍佛比丘有白衣侍佛亦得食若檀越布施安居竟僧後安居者不得破安居人亦不得若人冬分中檀越言布施安居竟僧前後安居僧悉得惟除破安居人不得若人言布施某寺某房隨檀越言得若人言布

施安居僧前後安居破安居人皆得若檀越布施迦提月後安居人後安居人得前安居人不得若人於春分中布施安居僧應問為布施安居竟僧當來安居僧答言布施當來安居僧當來安居僧得比丘語檀越言當來恐有賊難不能掌護檀越教分隨施主得分若檀越言食我食布施衣不食者不得受我施藥者亦如是指示施者隨指示處得衣捷度竟

藥捷度

拘跋陀羅飯者此是糝米飯也修步者此是青豆羹吉羅羅者此是竹筍也那菟者此是外國藥無解佉闍尼者一切果是名佉闍尼阿羅勒者如大棗大其味酢苦服便利鞞醯勒者其形如桃子其味甜服能治瘕阿摩勒者此是餘甘子也廣州土地有其形如蕤子大質多羅藥是外國藥名加婆藥者是外國藥名婆梨婆波者是芥子臙渠者外國藥能

叔七

十四

治毒漢地無有陀婆闍者是煙藥耆羅闍那耆者此是赤石也服藥者陀婆闍陀婆闍那者陸地生耆羅闍那者水中生也龍者長身無足師子象馬龍狗肉不得食皮毛不得用得一切肉應問若得不問得突吉羅罪失守摩羅者鱈魚也廣州土境有黑石蜜耆是甘

蔗糖堅強如石是名石蜜伽尼耆此是蜜也烏婆陀頗尼頗尼耆薄甘蔗糖邊房云何結作淨屋若初堅柱時先作坑以柱近坑比丘圍繞捧柱而說為僧眾作淨室如是三說說亦竟柱亦堅第二第三第四柱亦如是說若說一柱亦成淨屋若以成屋云何作淨應喚

屋主來語言此屋未淨汝為眾僧作淨檀越作是言此淨屋布施眾僧隨意受用即成淨屋若先作屋無屋主云何作淨若聚落有老宿應喚來此屋未作淨請為淨主若檀越不解說比丘應教作是言此是淨屋布施眾僧隨意受用即得作淨屋受用隨意安置飲食

無內宿無內煮罪闍浮子耆其形如沉菰大紫色酢甜舍樓伽耆此是優鉢羅拘物頭華根春取汁澄使清是名舍樓伽漿波漏師耆此似菴羅果一切木菓得作非時漿惟除七種穀不得一切諸葉得非時服惟除菜不得一切諸華得作非時服惟除摩頭華汁一切

菓中惟除羅多樹菓椰子菓波羅柰子甜瓠子冬菰甜菰此六種菓不得非時服一切豆不得非時服盛水器耆木瓦鐵餘耆不得用若自有種子眾僧地應半與眾僧若自有地眾僧種子應半與眾僧藥捷度竟

善見毗婆沙律卷第十七

叔七

王要下音盛成音憤下音內上音庵上音塵上音輿下音融下音忿下音忽下音倭下音仰下音曼下音根下音草下音癢下音

爹下音呼下音父下音曰下音羅下音閱下音十下音稱下音漫下音石下音爹下音

官下音反下音大下音際下音米下音鞞下音醯下音甜下音恬下音草下音癢下音

反下音大下音際下音米下音鞞下音醯下音甜下音恬下音草下音癢下音

反下音大下音際下音米下音鞞下音醯下音甜下音恬下音草下音癢下音

蘇<sup>反</sup>美<sup>護</sup>子<sup>上</sup> 鱈魚<sup>各反</sup> 椰子<sup>上</sup> 瓠子<sup>上</sup>

善見毗婆沙律卷第十八

叔八

蕭齊外國沙門僧伽跋陀羅譯

迦絺那衣捷度問曰幾人得受迦絺那衣下  
至五人前安居人得受迦絺那衣破安居人  
後安居人不得異住處不得若住處不滿五  
人得喚餘寺眾僧足數受得足數客比丘不  
得受若住處有四比丘一沙弥安居欲竟為  
沙弥受大戒得足成五人受迦絺那衣新受  
戒者亦成受一比丘四沙弥受戒亦如是若  
住處有五比丘若過五不解受迦絺那衣得  
餘處請一知法比丘使羯磨受迦絺那衣得  
為羯磨自不受亦不得衣分法師問曰何人

得與眾僧迦絺那衣答曰七眾衣天人衣得  
受作迦絺那衣若人不解作迦絺那衣來問  
比丘應教若僧伽梨鬱多羅僧安陀會隨一  
一衣得受作迦絺那衣十六日明相出將迦  
絺那衣裁來與眾僧比丘應語衣主須針線  
染色作衣比丘多少檀越聞已應供養作衣  
比丘飲食為僧受迦絺那衣應知受衣法用  
若衣裁者應先浣與眾多比丘共割截替縫  
治即日染成點淨已應受若多有人送迦絺  
那衣應受一衣餘應分應羯磨受僧持迦絺  
那衣與誰應與衣壞者若衣敗比丘多敗衣  
比丘中老者與若無老者臘數大者與不得  
與慳貪者佛告諸比丘當知是持迦絺那衣  
羯磨法律中以說若衣未成應喚一切比丘  
共成不得說道德作留難惟除病者法師曰  
何以於迦絺那衣如是殷勤為諸佛所讚故  
往昔有佛名為蓮華有聲聞弟子名須闍多  
作迦絺那衣未成蓮華如來與一萬六千比